

Þuríður Lillý Sigurðardóttir
Sléttu
731 Reyðarfjörður

Hafnarfjörður 29. apríl 2021
Tilv. 2021-03-08-1550/2.3.1

Efni: Varðar bakkavarnir við Sléttuá í Reyðarfirði

Í umsókn sem barst með tölvupósti þann 4. mars síðastliðinn leitar Þuríður Lillý Sigurðardóttir eftir heimild til bakkavarna við Sléttuá við Reyðarfjörð. Um er að ræða 70m kafla (mynd 1) sem sagt er að geti valdið smávægilegu raski á Sléttuá. Umsögn Náttúrustofu Austurlands (dags. 29. mars) barst með tölvupósti þann 26. apríl síðastliðinn. Bleikja veiðist í Sléttuá en ekki er starfandi veiðifélag vegna veiðihagsmuna í ánni.

Í umsögn Náttúrustofu Austurlands um framkvæmdina kemur m.a. fram:

„Ekki er talið að áhrif fyrirhugaðrar bakkavarnar eins og þeim hefur verið lýst hafi neikvæð áhrif á fiskistofna Sléttuár eða annað lífríki í ánni. Áhrifin verða mest á meðan framkvæmdum stendur. Við framkvæmdina þarf að gæta þess að ganga vel frá stórgrýti og passa að sem minnst rask verði í árfarveginum og að laust efni verði ekki skilið eftir sem gæti skolast í ána í vatnavöxtum og valdið óþarfa skaða á lífríki árinna.“

Að teknu tilliti til umsagnar Náttúrustofu Austurlands og með vísan til 33. greinar laga nr. 61/2006 um lax- og silungsveiði með síðari breytingum fellst Fiskistofa á að Þuríður Lillý Sigurðardóttir geri bakkavörn við Sléttu á á 70m kafla í samræmi við umsókn (mynd 1). Farið verði að tilmælum sem fram koma í umsögn Náttúrustofu Austurlands við framkvæmdina. Fiskistofa leggur áherslu á að gengið verði snyrtilega frá svæðinu að framkvæmdum loknum. Fiskistofa bendir á að það er á ábyrgð framkvæmdaáðila að uppfylla lagaskilyrði gagnvart viðkomandi landeigendum til þess að framkvæmdin geti farið fram. Heimildin gildir til 29. apríl 2022.

Fiskistofa vekur athygli á því að gjald er tekið fyrir leyfisveitingu vegna framkvæmda við ár og vötn (17.200 kr.) í samræmi við auglýsingu nr. 1185/2017. Reikningur verður sendur í heimabanka.

Virðingarfyllst,
Fiskistofa



Guðni Magnús Eiríksson
Sviðsstjóri lax- og silungsveiðisviðs



Mynd 1. Myndin sýnir afmörkun á því svæði þar sem fyrirhuguð bakkavörn verður gerð við Sléttuá, í landi Sléttu í Reyðarfirði.